



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CCCXXXIII. Der Official des Bischofes von Lubus gekundet einen Rentenverkauf an den Kaland zu Frankfurt, am 1. September 1474.

Nutzungsbedingungen

[urn:nbn:de:hbz:466:1-55756](https://nbn-resolving.org/urn:nbn:de:hbz:466:1-55756)

hat vorzogen vnd mit rechter wissentſchafft aller acordien, priuileigien vnde vſſatzungen des Marggrauen zu brandenburg Rete, Stede vnde Mann, dodurch diſſer briff kouff vnde bozalunge der genanten zinſzen mochten verhindert ader gebrochen werden: vnde dy vſſlagunge der zinſze ſal haben der obengemelte Thewes Worpel vnde ſal geſcheen eyn gantz virteil Jar vor deme Czinzſtage vnde den den houbtſtull mit den verſeſſen zinſzen jn eyner Summen den ergenanten kalantheren oder jren obirten vff den Czinzſtag wol zu dancke jn guten trawen vnde glouben bezalen. Hirbey ſint gewelt Andreas gubernator vnd Criſtoferus fforſt, Clerici des Myſſnizen vnde Lubuſzen geſtichtes, als zughe. Des zu warem bekenthniß haben wir gnante Official vnſeres Ammechtes Ingeſigel vnden an diſſen uffen briff hengen laſſen, der geben iſt Na chriſti geburt virzenhundert vnde darnach jm vir vnde ſybenzigſten Jare, am Sonabent nach Oſtern.

Nach dem Orig. des Stadtarchives VIII, 3, 40.

CCCXXXIII. Der Official des Biſchofes von Lubus bekundet einen Rentenverkauf an den Kaland zu Frankfurt, am 1. September 1474.

Johannes Wulueram, Official zu ffranckfurt, lubuſz geſtichtes, Bekennen vnde thun kunt vffentlich jn diſſem briue allen, die en ſehn, horen ader leſen, das vor vns ſitzende jn gerichte perſonlich komen iſt Hans Zwickow, ſneyder, mitburger zu ffranckfurt, vnde hat bekant vor ſich, Margarethen, ſeine eliche hauſzfrauen, ſin erben, erbnehmer vnde nakomen, das er jm namen eyns rechten wederkouffs verkoufft hat vnde jn Crafft diſſes briues vorkoyfft den hern des kalands hir zu ffranckfurt Alſe eyn halb ſchog groſchen Merckilzer muntze jerlicher zinſze vor ffünff Schog groſchen derſelbigen werunge. Darvmb der genante hans zwickow dy ergenanten kalands heren quit, ledig vnde loß geſagt hat jn crafft diſſes briues vff ſinem hauſze, hir zu ffranckfurt gelegen am Ecke an der Cleynſmet ſtraſſen bey Peter kucher keyn den ffleyß ſcheren. Sulch halb ſchog groſchen Czinz hat ſich der obengenante Hans Zwickow vorwillet vor allen anderen zinſzen, die uff dem gemelten hauſze ſin mochten, alle Jar jerlich uff vnſer lyben ffrawen tag (ſie!) Goritz vnuorzoglich an alle behelf geſtlichs oder werltlichs gerichtes an geuehre vnde widderrede bey deme banne bezalen vnde geben mit dem ſchaden, Alſe briuegelt, botenlon ader koſt, muhe vnde zerunge, dy die kalandsheren darvmb thun müſten, Reden vnde globen des kouffs eyn rechte gewehr zu ſin. Ouch der vffgemelte Hans Zwickow vor ſich, ſin hauſzfrau, ſin erben, erbnehmen vnde nakomen hat ſich vorzogen vnde mit rechter withſchaff abgeſagt alle Concordien, vſſatzungen vnde eyntrechte meyns gnedigen heren, des Marggrauen Reten, Stete vnde Mann, dodurch ſulch zinſz, briff, koff vnde bezalunge gehindert vnde gebrochen mochten werden. Werſz ſach, das der genante hans zwickow den zinſz lenger nicht geben wulde, So ſal er den vfflagen eyn virteyl Jar vor deme zinſztage vnd den den houbtſtull mit den vorſeſſen zinſzen jn eyner ſummen den kalants heren vff den zinſztag wol zu danke jn guten trawen vnde glouben geben vnde bezalen. Hirbey ſint gewelt her Nicolaus Wyman baccalaureus, vnde Meyſter Nicolas moler, als zugen, Darzu geruffen vnde gebeten. Zu

warem bekenthniß haben wir genanter Official vnseres Ammechtes Ingefegell mit rechter wirthschaff vnden an dilzen vffen briff hengen vnde versegeln lassen. Gegeben zu ffranckfurt an der Ader, Na christi geburt virzenhundert vnde dornach jm vier vnde sybenzigsten Jare am Mittwochen na Johannis decollacionis.

Nach dem Orig. des Stadtarchives VIII, 3, 57.

CCCXXXIV. Markgraf Johann gestattet den Leinwebern zu Frankfurt in der dortigen Pfarrkirche, wie andere Handwerksleute, einige Kerzen zu setzen, am 3. Dezember 1474.

Wyr Johans etc., Bekennen etc., Alsedem vnser liuer gevetter marggraue friderich, kurfürst etc., seliger gedechtnuß ettlke priuilegia vnde fryheit vnseren lieben getruwen den leynweibern In vnseren landen wanhaftig gegeben hat, Als Iren brieff daruber gegeben Inheldet, nach dem der hochgeboren furste vnse liue herre vnde vater marggraue Albrecht, kurfürste etc. eynem Iglichem seine priuilegia, fryheit czu halten czu gelagt hat; sein by vns gewest vnser lieben getruwen die leynweyner von franckfurt vnde haben vns bericht, das sie dem almechtigen got czu lobe vnde czu eren, ettlche kerzen czu merung gots dinfts, als ander hantwercks lewte, In der kirchen In vnser stat franckfurt czu setzen vnde von Jare czu Jare, wie geborlichen ist, halten wollen. Vnde nachdem wir bey vnseren zeeiten plichtig vnde schuldig sein, auch gerne thun wollen, das gots dinft vnde werdikeit gemeret vnde gebessert werde, dardurch wir vnde vnser lande gnade vnde gluckeligkeyt defterbat kegen dem Almechtigen got erwerben mogen; Also so haben wir Ir ezymliche vnd rechtliche bete angesehen vnde In gegont vnde erlowbt, gonnen vnde erlowben In das, In vnde mit crafft desses briues, das sie, als ander hantwerckslewt, an bequem stet In der kercken vnser liuen frowen In vnser stat franckfurt setzen vnde halten mogen, hirumme wir Allermeniglich mit dessem brieff gebieten, wollende das sie dar an nymant hindere oder keynen Infal thun sollen, bey vermidunge vnser vngnade, vnde haben sie doruff In vnser Schutz, schirm vnde versprechnus genomen vnde In vnser sicher feylich gleyt gegeben vnde geben In das von desselbigen wegen mit difem brieff, darnach sich eyn yderman habe zu richten vnde In solch vnser gleyt vnuerbrochen halten etc. Datum Coln an der Sprew, am auende Barbare, Anno etc. LXXIII.

Nach dem Churm. Lehnscopialbuche XXV, 328.